



Broj predmeta: 13-002954/21
Broj akta: 01.1-1413EK-0026/22
Datum, 3.2.2022. godine
Mjesto, Brčko

Na osnovu članova 16. i 17. Zakona o Vladi Brčko distrikta BiH - prečišćeni tekst («Službeni glasnik Brčko distrikta BiH», broj: 22/18, 49/18, 08/19, 10/19 i 32/19) i člana 17. stav (2) Zakona o javnim nabavkama („Službeni glasnik BiH“, broj 39/14), i zahtjeva za nabavku organa javne uprave i institucija Brčko distrikta u 2022. godini, gradonačelnik Brčko distrikta BiH donosi

ODLUKU O USVAJANJU PLANA JAVNE NABAVKE U BRČKO DISTRIKTU BIH U 2022. GODINI

Član 1.

Usvaja se Plan nabavke roba, usluga i radova za ugovorni organ Brčko distrikt BiH u 2022. godini, broj: 13-002954/21, broj akta:02-1348NH-0025/22 od 3.2.2022. godine.

Plan nabavke će se objaviti na web stranici www.nabavka.bdcentral.net

Član 2.

Organi uprave i institucija Brčko distrikta BiH će pokretati postupke javne nabavke u 2022. godini ukoliko su isti obuhvaćeni planom nabavki i u skladu sa usvojenim postupkom javne nabavke za tu vrstu predmeta javne nabavke.

Član 3.

Pokretanje postupka javne nabavke koji nije obuhvaćen planom nabavke će biti moguće u izuzetnom slučaju uz obavezno donošenje Posebne odluke o pokretanju postupka javne nabavke u skladu sa članom 17. stav (1) Zakona. Posebnu odluku o pokretanju postupka sačinjava organ uprave ili institucija koji pokreću postupak javne nabavke koji nije obuhvaćen Planom nabavke i prosljeđuje gradonačelniku Brčko distrikta BiH na donošenje. Pored elemenata predviđenih Zakonom, Posebna odluka treba da sadrži i obrazloženje zbog čega javna nabavka nije obuhvaćena Planom nabavke a i vrsta postupka javne nabavke mora biti u skladu sa predviđenom vrstom postupka u Planu nabavke za 2022. godinu u skladu sa članom 15. stav (6) Zakona o javnim nabavkama.

Član 4.

Izmjena i dopuna Plana javne nabavke u 2022. godini će se vršiti samo u slučaju rebalansa budžeta za 2022. godinu. Izmjena i dopuna Plana će se vršiti u skladu sa Uputstvom Pododjeljenja za javne nabavke nakon izvršenog rebalansa budžeta, zbog čega je neophodno da organi uprave/institucije vode računa o sveobuhvatnosti podataka koji su dostavljeni za izradu Plana javne

nabavke. Postupci javnih nabavki koji nisu predviđeni u Planu javne nabavke za 2022. godinu a za koje se ispostavi da su neophodni, pokretaće se donošenjem Posebne odluke o pokretanju postupka javne nabavke po prethodno pomenutoj proceduri.

Član 5.

Ova Odluka stupa na snagu danom donošenja.

DOSTAVLJENO

1. Odjeljenju za stručne i administrativne poslove
Pododjeljenju za javne nabavke,
2. Gradonačelniku,
3. Zamjeniku gradonačelnika,
4. Savjetnicima gradonačelnika,
5. Kancelariji Brčko distrikta BiH u Vijeću ministara BiH,
6. Glavnom koordinatorsu Vlade Brčko distrikta BiH,
7. «Službenom glasniku Brčko distrikta BiH»,
8. Arhivi.

